



33732



Mag. St. Dr.


P

BIBLIOTHECA
UNIV. JAGELL.
CRACOVENSIS

Biblioteka Jagiellońska




stdr0016896



33732

III



TEXT

CVLMEN

GLORIA ET FELICITATIS POLONÆ
SPEM ORBIS & VOTA POPVLORVM

In Montibus Lëoburgicis

SVPEREMINENS

SERENISSIMVS ac POTENTISSIMVS

AVGVSTVS II.

REX POLONIARVM

MAGNVS DVX Lithvaniæ, Russiæ, Prussiæ, Maso-
viæ, Samogitiæ, Livoniæ, Kijoviæ, Volhyniæ, Podoliæ,
Podlachiæ, Smolensciæ, Severiæ, Czerniechoviæq̃,

Necnon hæreditarius Saxoniz DVX, PRINCEPS,

& ELECTOR, &c. &c.

In primo, solennique LEOPOLIM, Russiæ Metropolim INGRESSU;
Nominè ejusdem, Regiæ Majestati suæ
subjectissimæ CIVITATIS,

Cultu & applausu panegyrico

EXCEPTVS

P E R

CHRISTOPHORVM IOANNEM CYBONI

S. R. M. Secretarium, Philosophiæ & Medicinæ Doctorem,

Consulem Leopoliensm.

Anno humiliati ad præsep̃, Regis Regum 1698.



LUBLINI, Typis Collegii Societatis IESV.

Historia 6216.




*AUGUSTE, Regum, Caesarum, DEUM sanguis,
Cognata rebus Nominis Fides, Pacis
Bellique Princeps, duplici triumphali
Mucrone Fortis, Seculi Detus, Sacri
Fulmen Gradivi, Lechica Rei Culmen.
Tandem, serenum tristibus diem lustris
Datura, lapso Te parem dedit Regno
Sors aqua Regem: Te ruentis ex alto
Gentis Columnam, Dexteram DEI certus
Monstravit Index; angulare detexit
Perennitati liberi Status SAXUM.
Te purpuratum Thracio calens tabo
Aurora vestit, cornibus triumphalem
Flexis in arcum, Lechicum thronum supra
Te Luna tollit barbaro cadens ortu.
Europa sancto faderi novum nobur
Venisse gaudet, plausibus frepit totus
Amicus Orbis, mille personans linguis,
Te lata nostrum Principem canit Fama.
Latus timendum Rossus & Leo Regem
Cervice prona manibus suis infert.
Infert, tumensq; nobili iuba, saevus
Venire monstris Herculem novum rugit.
Rugit, superbo montium iugo frangens
Voces nepoti saculo sonaturae;
Regna, triumphas, Laureas mete & Palmas,
Vince, & perenna, Civibus Pius, Mitis,
Hosti timendus, vive semper AUGUSTUS.*



33. 732
III.





Ondum Tuæ metam gloriæ, jam
nostræ felicitatis attigisti fastigi-
um, Poloniæ REGVM AVGV-
STISSIME. A Lauru Orhoma-
nica, ad Lechicum venisti dia-
dema; inde ad novas de barba-
ris Laurus properas, nos jam Te
Rege, ad optatæ felicitatis termi-
num, cum cecidisse videremur, Gens Lechica stamus.
Unicus Tibi ad Coronam à Mitra passus, soliumque
Atavis edito Regibus, descensu ab alto facili, gradus
non apex honoris est; sed spei publicæ ac votorum, nec
non supremæ Regni fortunæ ac gloriæ, Tu nostro Rex in
solio, culmen utrumq; tenes. Parum Regalis incremen-
to tituli, vel ante ortum Serenissimo accessisse fate-
mur; Nobis vix voto tam sublimè conniti audacia fuit, quò
elevatiorem Tecum sortem nostram, mitior evexit Su-
perùm destinatio. Tu, simul in solo ac solio constiti-
sti, primusq; Te, necdum recta firmatus in vestigia gres-
sus, rectà locavit in fastigiis; Nobis alternante Regno-
rum vices fortunâ, ab avita Poloni Nominis Majestate
dejectis & devolutis, non ulla attollendæ rursus felici-
or hora, quàm quæ Te Hectorem ruentis alto à culmi-
ne Trojæ, collapsæ Rei Lechicæ Atlantem, quæ Re-
gem Augustum dixit. Volvimus dimidio pænè secu-
lo, irrequietum velut Sisyphi Saxum, cum pareit, &
cum sævit, ex æquo duram ferreæ sortis rotam, toti ære
& chalybe rigentes Sarmatæ: bellum atrox, aut pacem
sterilem, inter extrema & præcipitia nihil medium,
unicam in summa libertate pereundi licentiam, lactavi-
mus infausto spei ubere, tantùm sperando meliora. Eri-

puere cum D. IOANNE III reliquias Gratiarum of-
fensa Numina, illiusq; ab occasu extremum decretoræ
noctis crepusculum, atro undiq; horrore incuuit. Sen-
simus in acephalo Reipublicæ corpore ipsis præcordis
toto love adactum fulmen positi extra Clypeum. Dero-
nuit illico nubes illa, tot jam dudum gravida pro-
lis, hauſtura decumano fluctu, contortis in diversa
animis, ceu luſtantibus ventis huc & illuc impulſam,
præciſis ſolidæ ſpei anchoris, & ſciſſo diſcordiis volo-
lacerum ſine Gubernatore navigium, quod hucusq; ne
naufraſſet, unica ſolertiſſimi Principis fortuna & va-
tus morabatur. Ivit in vincula Sacramento ſolutus mi-
les, auſuſq; Civis, quæ ab hoſte vix evenirent. Erexit
tumido rursûm faſtu, extincti Triumphatoris dextra
attritum Orthomanica Luna cornu, & ad efferendum re-
giis cum cineribus Regni cadaver, lationi ſeſe oſtio ape-
ruit Porta illa; Aquilam ſine Scuto Harpyæ Scythicæ
audaciûs adortæ. Convocata ut Orbitati ſuæ conſule-
ret pupilla Reſpublica, ipſam tandem reliquæ ſpei de-
licatiſſimam profundo vulnere pupillam læſit, dum ru-
pto, (quod ultimum malorum erat) Conſilio, tardantia
interitum fata, ut maturarent provocâſſe viſa eſt; ad o-
mnis præſidii & conſilii exſortes, nolentes quaſi non
periiimus. Tuæ nimirum REX AVGVSTE tam atrox
tempeſtas ſerenitati prævit, ut auguſtiorẽm produceret,
pariterq; darentur Sceptra Tibi, Lechiaq; dies caligine liber. In Te ejus
Nominis Secundo, adeoq; feliciffimo Regum, veterem
Romæ fortunam evolvimus Poloni; ſolam ſummi Au-
guſti mentem, tantæ molis capacem, quæ in margine
fatorum poſitos, ad illud rursus quò excidimus, felicit-
tis & gloriæ faſtigium elevaret, lubricamq; & vitream
Regni ſortem, in adamante aut marmore conſtitueret
Princeps SAXO. Tuæ videlicet in primo Solii Polo-
ni aditu, calcantis fortunam virtutis, arcano calorũ
Sigillo munitus character eſt, convertere fata in melius,
pluſq; ab iratis & renuentibus exigere, quàm à propitiis
& vo-

& volentibus nobis licuerit impetrare. Irrequieta bo-
ni publici sollicitudo Tua jam abunde effecit, ut quem
gratiosissimum Regum dolumus, jam pænè non sen-
tiamus perdidisse. Stupet ad hunc, quem Tuo in Ca-
pite coronavimus Sarmatiæ felicitatis verticem arrectus
Orbis, assurgit in spes & vires, novas validior sacri fæ-
deris Europa, intremuit perculsus hostis, superfusa cæ-
litus animorum dulcedine colliquesimus Poloni !
Unde tam blanda repente Numina ? qui fractos Superi rediisti ad Argos ?
Exsiliunt inter exaggerata Christiani Orbis & Urbium
Poloniæ gaudia, accincti, festiva exultatione & Leóbur-
gici Montes. Hodie demum stellato feriunt Sidera ver-
tice, dum surrectura mox altius trophæis Tuis juga, nunc
pedibus Regiis, & fortunæ gloriæq; Regni fastigio, pro-
fundissima subiectione inclinant. Quæ in illis magna-
nimo contra Draconem Orientis Leoni præluceat stella,
jam, innubis felicitatis publicæ aurora est ; dum Te Sere-
nissimo Poloniarum Sole cælum Roxolanum effulget.
Gnarus cui serviat, subdita adusq; exuvias veneratione
prostratus LEO Noster, adorat suum in Te incompara-
bili robore corporis, & animi magnitudine, Vindicem
& Assertorem Alcidas ; lambit devoto perennem in
cultum ore & stylo plantas Regias, mox quidquid in
Montibus suis calcaverint in Laurearum nemora plan-
taturas. Iam jam dulcissimi prælibat in ore suo, cæle-
stia dona seculi, quibus fluxuram rursus sub Te Princi-
pe, melle & lacte Podoliam inundabis. Cum verò totas
Atticæ Svadæ Hyblas ; Ambrosiumq; nectar, loqui aut
scribere de Te, majoris humana meditatione laudis rivu-
lus aut gutta est ; totus abyssus gloriæ Tux, & torrente
publicæ voluptatis absorptus, prosequitur stylum humi-
lem, suis in Montibus elevante obsequio, supremum sub
Te Principe, Polonæ Gloriæ & felicitatis fastigium.

Cupere altissima, non optimorum tantum, (quod
ille prudentiæ Romanæ summus) at omnium propè mor-
talium votum est ; non cuiquam tamen, sed rariore dun-

taxat Natalium forte, primò à limine vitæ ad vasta & sublimia prodeuntibus, securiùs ac feliciùs successurum. Quotidianum Phæbo curriculum, tritaq; via est, unde casus ab alto, malè ambitioso Phæétonti, & supra vires desideratorum exitus in Eridano. Fumus temeritatis non gloriæ ardor fuit, quem suo adhuc nomine æstuantibus in aquis extinxit Icarus, ceratis evolâsse ad Solem pennis, supra quàm molli ac liquidæ fragilitati tutum erat. Talpæ quidem etiam ac testudines, anhelos improbæ spei passus, & immobilem, ut ut sibi festinare videntur, contentionem fatigant, ut Appenninum vel Pyræneos ascendant; sed cum in illis Aquilæ nidos ponant, uno grandium alarum nisu, reptilia præcurrunt, & inde vestibulum habent altiùs evadendi, quæ projecta humiliore fato indoles, vix per suspiria pertingit dum aspirat. Exsibilat malè natam arundinem ventorum murmur, quod tenui culmo fluctuans & ignobile caput, priùs Patri limo allidat, quàm in sublime efferat, dum impavidâ turbinum injuriis frontem cælo propiùs admovent anno-sa Quercus, & infra se primum ver intonsi fruticis, aut nutantis virgulæ alterna ludibria ridet. Iam Carpathus, jam Olympus, cælo vicinum cacumen adstituit, priusquàm in plano aut profundo vallium, ex congesto inertibus ventis, pulvere acclive solum protuberavit in acumen, aut parvi ex atomis tumuere colles. Exhaustit infirmas vires, longum arduumq; iter, quibus ab imis ad summa conatus est, gradumq; per ea, quæ obstant & arcent, eluctantem, per intervalla molitur pumilio, dum uno saltu Gigas, in cunis animus fastigia involat, & volucris cæloq; vicinæ indoli cognata sublimia tener. Sensim & per beneficia temporis, incrementum lucis accipere, minoresq; inter Siderum ignes micare priùs, quàm toto vultu splendeat, famulæ noctium Lunæ tenuitas est: Sol diei Astroorumq; Princeps, illico erumpit maximus, purpuratus in diluculo, in ortu ac meridie pari lumine circumfusus, nunquam sine corona radiorum, semper in Majestate lucis Serenissimus. Et

Et hæc Tua est ad Poloniæ Solium, æmula Solis
via, hæc tota simul Tecum Orbi Sarmatico infusa Na-
talitii splendoris magnitudo, antequam lucem vitæ
hauseris, ipso Naturæ privilegio SERENISSIME
AVGVSTE. Non Te Regius confudit honor, in-
opinaq; turbat gloria, quò alii ascenderent, Tu natus
eras. In Cunis, quas geminum Tibi instravit cubile
Solis, jacuisti super fastigia, Trabeas & Paludamen-
ta evolvisi in fasciis; vagitus, triumphos & imperia
sonuere. Necdum inflexam sustinente cervicem, &
jam tot populis adorato in Capite, eminuit paterno &
consanguineo diademate radiatus apex. Quidquid
coronatæ lucis altissimus in Europa provexit meridi-
es, in Ortum Tibi influit; quidquid utroq; clarus à
cardine Mundus celsum & sublime attollit, Tibi se,
primum in terra pedem positure submisit; ut sanè,
quâ crevisset quisquam alius, ex Te crescat Regalis ti-
tuli serenitas, Tuo in Capite altior, & magis vertica-
lis. Subire Sacrum illud investigabilis antiquitatis
Pantheon, & per tot Ducum, Principum, Regum, Im-
peratorum, semideosq; vultus, locatasq; magna cæli
parte Imagines, audacem palpebram circumferre, se-
culorum negotium est; dierum aliquot scriptori hor-
ror quidam divinus & religio. Coævum videlicet
mundi nascentis elemento, primoq; statim in latice
coronatum fontem, ex quo Serenissimus DVCVM
SAXONIÆ Sangvis, plenis decorum fluminibus,
ipsa in scaturigine exundavit, profundius rimari, i-
dem est, quod circumfusi terris Oceani natalem alve-
um scire velle, & inexhaustos aquarum vortices, ad
guttas & stillicidia revocare. Inter Pyrrhæ & Deu-
calionis lapides, evolve basilica Augustæ Domûs Se-
mina, si quem exordium scivisse urit cupiditas; jam
inter illos, gemmis & adamantibus riguit GENS
SAXONICA, jam meliore lapillo signavit funda-
menta Regnorum, excitavit Gloriæ & Honori dura-

tura in ævum augustalia de lapide pretioso. Diductus postea in Anhaltinas & Misnenſes, in Lunæburgas ac Brunſvicenſes, ſexcentasq; alias propagines, Nylus hic Ægyptio nobilior, & vèriùs ab Origine cælo ipſi affinis, plusquàm ſepteno Sereniſſimi torrentis oſtio, totam alluit Europam, in Palæſtinæ Bellatoribus terram ſanctam, in Orbis Heroibus ultimam prope Thulen cruore generoſo perfudit, nullis non terris Dominos, nullis non Soliis Reges ac Principes dedit, ad Imperatorum Solia, ad Tyaram Vaticanum prorupit, cælum ac Divos cognatione attigit, gloria & honore Orbem implevit univerſum.

Bis mille prope eſt ut numeret Mundus annos, ex quo ab **ARTHARIO REGE** Saxoniam ſuſpexit coronatam^{non}, interrupta Nepotum Regum ſucceſſione, ad uſq; **VITIKINDI** Magna tempora, & majorem vel maximis terræ titulis ac emeritam virtutem, quàm cælum ipſum, & ex adverſis emicans Superùm beneficentia coronâſſet: Regium illi, **Caroli Magni** potentia detraxit diadema, ſed unius jacturam, in numero totius pæne Orbis Coronarum accèſſu rependit, in nudum Caput, ruptis veluti repagulis effuſa cum aquis luſtralibus cælorum benedictio, cum ſimul à barbaro gentilitatis ritu ad fidem Orthodoxam, ſimul à Saxonix Fascibus, ad univerſa, quibus ſe Chriſtianum inclinat genu, terrarum Orbis Solia, Domum Sereniſſimam traduxiſſet. ^b Quàm felix, quàm auſpicatum illud **HENRICI I.** aucupium! in quo inventus & ſalutatus Imperator, bonis avibus Saxo-Vitikindæ Genti, Aquilam Bicipitem intulit: quæ mox in **OTHONE FILIO** Longobardiâ, Lotharingiâ, Borgundiâ, Arelatenſi Regno, & quidquid à Moſa ad Rhenum Sceptra Galliæ adoraverat, longè lateq; patenti terrarum latifundio, Fascibus Germanicis

^a Antonius Albicius Nobiliſ Florentinus, in Principum Chriſtianorum Stemmatibus.
^b Guſſinum in Saxonia Catholica.

nicis asserto & restituto, alas suas, in vastissimam Imperii amplitudinem dilatavit, faustisq; sub penetrantibus, interruptâ centum & ultra annorum serie Imperatoris Majestatis nōdum posuit. In OTHONE II. Coclite Christiano vel hodie demum, *invidiam terris mariq; & tantum non ponit Olympo*, incomparabilis fortunæ & fortitudinis prodigium veriùs quàm exemplum; qui bello ad Beneventum Sarracenico, non minùs fortis Miles, quàm egregius Imperator, & ex utroq; Cæsar, dum strenuissimè depugnat, ab hostibus captus, in mare desiliit, & natando ad suos elapsus, vestigia gloriæ immortalis, ipsis in aquis duratura reliquit. Obliguisse in marmor, ad tantæ in Imperatore audaciæ miraculum, vitream Thetym non ex vano crediderim, & emergenti rursùs profundò suò fortunæ Cæsaris obnoxiam fuisse, quæ utiq; vel magni Iulii felicitate major esset, quod suam ille Cymbâ veheret, Hic solo pedum remigio ad littus deduceret, fastumq; pelagi & tumentes procellas generosè calcando, ipsam veluti mortem sub pedibus haberet. Sacræ OTHONIS III memoriæ, tota in plausum, tota in censum gratitudinis assurge obarata Polonia! quò Regum cingis tempora, Illi aurum Coronæ debes. Ad calentes olim recenti cæde Cineres D. Martyris & Archi-Præsulis ADALBERTI, peregrinæ Imperatoris pietati, panno iter septem milliarium stravisti, hodie AVGVSTO NEPOTI, ad Tuæ culmen gloriæ & fortunæ, grandem ineuntî viam, purpuram in solio sterne. Regium Diadema, quod ab Atavo donum hospitii habes, cui meliùs in mansuræ pignus felicitatis reddideris, quàm dignissimo Collatoris Hæredi? Nemo sanctiùs nemo teneriùs Avitum detulerit decus, quàm qui munus proprium in Majorum beneficio recognoscet. Recipis veriùs quàm inauguras Tuo Regem AVGVSTVM solio, nam quidquid in illo regia hætenus serenitate enituit, totum id muneris sui est; fuitq; au-

sim credere, arcana fatorum destinatio, ut hac rerum nostrarum tempestate, attollendo in melius labanti Regno, illa de Styripe desideratissimus Princeps obtingeret, quæ primam olim Poloniæ succrescentis ætatem à Mitra extulit ad Coronam. Negavit porro OTHO-
NI III posteritatem Natura, cum gloria fecundum satis redderet, tot videlicet liberorum, quot Regum vel in ipso Regno Libertatis Parentem. Abundè sterilitatis injuriam, vel hodierno, quem AVGVSTVM in Nomine & Solio adoramus, compensavit Nepote, in quo & Antecessorum Poloniæ Regum, & fertilissimæ Sceptrorum per Orbem Saxonix Domus, collecta omnia in unum decora, Serenissimam Nobis edidit in lucem.

Devoluti exinde ad HENRICVM II Imperii Fasces, Diis Nomen Saxonicum miscuere Superis, cum Bavaricâ Kunegundis Vxoris instratus purpurâ Imperatorius thalamus, inter Virginex lilia castitatis coronato pudore effloruit. Fecit Palatii & lecti Augusti inquilinam, quæ parvis tantum tectis habitat, Sanctus Imperator verecundiam: gestavit Purpuram verè dibapham, æquè rosei pudoris Ostro, ac Tyrio rubentem murice, geminata Virtutis & Honoris tincturâ. Ebur illud Angelicæ mentis, quod inter fluentem Opibus & deliciis, vitæ aulicæ libertatem, fervidiores veluti inter Cypridis calores, puris nivibus illæsum perstiterit; si affinem Phænici raritatem Orbis æstimat, Saxonicæ Styripis humana major gloria, cæloq; conterminum decus est, inusitatum conjugatæ in Trabea Virginitatis miraculum, domesticum habuisse. LOTHARIVS tandem ex Comitibus à Qversfurt, Saxo-
nico laticlavio, Imperatorium paludamentum accinxit, eâ utriusq; tituli amplitudine, ut unum sine altero non facile dignosceret indivisa Majestas. Exaggerassent hunc Imperialium Coronarum acervum Magnus OTHO HENRICI! Genitor & Fridericus III.
Dux

Dux Saxoniae & Princeps Elector : quibus se Purpura
supplex obtulit, blandeq̃ repulsus vestigijs instabat ho-
nos, nisi translato ab Othone in **CONRADVM**
ex sorore Nepotem, à Friderico in **CAROLVM V**,
Romano diademate, neq̃ rogati regnare voluissent,
hoc ipso supra communem mortalium sortem, cælo
propius subvecti, quòd ambitu modestiam superiorem
fecerint, fastumq̃ potiùs quàm fastigia rerum, Magni
supra seipso Imperatores calcare praelegerint. Ex-
tincta in illis cunctis affectibus flagrantior dominandi
cupido, illam hodie Serenitati Tuæ Optatissime Re-
gum adspergit lucem, ut in censu & pompa Majorum
felici dextra computes, & qui suprema conscenderint
in Orbe, honorum culmina, & qui super alto magna-
nimæ humilitatis gradu modesti constiterint, æquè in
Imperatorum Solio, ac in scabello protriti generoso
pede ambitus sublimes & Augusti.

Ivit Stirps Tua à summis ad maxima; à Regum
Cæsarumq̃ fastigijs, ad usq̃ Principem in terris, Vica-
riam Numinis Majestatem. **GREGORIUS V.** Pon-
tifex maximus, super Ecclesiæ Petra, de **SAXONI-**
CA Domo fulsit Gemma, inter Pontifices. c Quanti
tunc fluctus involuerant Navem Petri, quanta adusq̃
diluvium multi sanguinis increverat à Crescentio tem-
pestas! ut non sine periculo turbidum illud sustinuis-
set dignitas Vaticana, nisi Petram illius, **SAXO** Pon-
tifex solidasset. Advolat valido cum Exercitu in Co-
gnati auxilium **OTHO III**, hostem obsidet, expu-
gnat, vincit, Romam Gregorio asserit, Crescentium,
quòd supra Caput Orbis, inflatas malè sano tumore
cristas erigeret, pedibus manibusq̃ mutilatum dimi-
nuit, patibulo attollit, ut impiam eminendi temeri-
tatem retinuisset suspensam. Augusta Principum Ele-
ctorum Corona, curæ & solertiæ **OTHONIS**, oraculo
GREGORII Septemviratus sui decus & auspicia de-
bet. Claves, quibus omnia patent, cum dexterrima

C

manu

manu tractaret, aperuit interclusam tot seculorum
gemitu, illam Orbi felicitatem; quòd multo populo-
rum funere & Gentium cadaveribus repurgatus, reda-
ctâ in angustias cruenta ac effreni ambitione, latiore
securæ virtuti explicuerit arenam currendi per suffragia
ad bravium. Tulit dignum approbatore cælo præmium
labor ille, & conatus benè merendi in publicum, colla-
to divinitus planè Serenissimæ Domui privilegio, per-
petuæ in hoc Senaculo Curulis, ut & eligi & eligere
Imperatores, unicum in Orbe decus geminum possi-
deat immortale.

Sed quid tam altum, Orbe toto, sublimium con-
gestu titulorum fastigiati posuistis honores, quod non
Saxonæ Gentis attingat proceritas? quod non Euro-
pæ Regnum è Vitikindeæ consangvinitatis arbore
poma aurea decerpfit? Infregit Dodonæ sylvæ glori-
am, formavit terrarum Numina, tota Fascibus & Sce-
ptris effronduit, tota Mitris & Coronis implexa, ab ipsa
radice, cum ævi senio, sine temporis edacis carie per
Solia & thronos disperfit cum Sole ramos. Dedit no-
væ titulorum plantationi pares furculos, novo marce-
scentes Familias virore, per sui Sangvinis influxum
fæcundavit, celsissima ubiq, heroica, inclyta, augu-
sta, Orbis imperio par.

Gallica, ad stateram hodie suam, æquilibrium Eu-
ropæ ponderans magnitudo, septingentis plus ultra
annis, debet VITIKINDEO germiini decora Lilio-
rum. HVGO CAPETVN vere perpetuo, formosissimo-
Flori huic inscripsit Saxonum Nomina Regum, desi-
nente in punctum ultimum CAROLI MAGNI lineâ,
ad Sceptra Gallix vocatus. Quidquid proinde à tot
seculis magnificum & ingens, terrâ mariq, heroicum
& triumphale, quâ Sidus currit utrumq, Gallici No-
minis extendit Majestatem, à Styrpe Vitikindea pul-
lulat; ab hujus Serenissimi Sangvinis imbre aureo, im-
marcescibile decus, vigoremq, perpetuum traxerunt
Lilia utroq, cælo florida, toto Orbe augusta.

Non

Non minori fortunæ & gloriæ proventu ex hac per Orbem regnatrice Familia, Regum Maximos habuere Magna olim Britannia, Hungaria, Sicilia, Dania, Norvegia, Svecia, Cyprus, Neàpolis, Navarra: Conditores aut Restauratores Principes ac Duces, Brabantia, Bavaria, Burgundia, Sabaudia, Aurelia, Lotharingia, Holsatia, Slesviga, Pedemontium, Brandenburgicus, Thuringicus, Misnensis Marchionatus, sexcentaq; aliæ belli pacisq; præfidiis potentissimæ Gentes, quarum vel ipsa Nomina grandes paginas implerent, si singulæ cum haustis è Saxonico fonte splendoribus ad calculum venirent. Suis æternitas tot Augustos perenniùs fastis sculpsit legendos nepotibus, populorum fatigaturos memoriam omnem, si ab infantia pænè mundi, inter rudera præsci Sangvinis studiosius evolvantur. Subeunt recentiore obtutum & calamum prensant præcipui ex innumeris, BERTHOLDVS Othonis II Nepos, Sabaudiam ex Comitatu in Marchionatum permutans: HVGO, inclyta Vitikindi progenies, Brandenburgicum: CONRADVS Virtute & Nomine Magnus, Misnensem: LVDOLPHVS Thuringiæ Marchionatus, grandibus auspiciis exorfi.

Non est omninò ullus vel remotissimæ terrarum Gentis limes, qui Nobilitatis Tuæ immensitatem definiat Regum Maxime. Alexandrum Macedonia prætextatum, Te vagientem adhuc, & jam uno tantum Iove minorem, Orbis non potuit capere universus. In ipsam Olympi Regiam, Superùmq; Empyreas Domos, Cognationis Tuæ grandem deduxisti coloniam, ut vel à receptis cælo Divis Majoribus Tuis non leve incumbat Atlanti pondus. Ne verò & Superos, non per suprema terrarum peteret, regiâ ad illos etiam contendit viâ Serenissimus ubiq; Sangvis Tuus. HENRICVS II Imperator, LVDOVICVS Galliarum, STEPHANVS & EMERICVS Hungariæ Reges, GLISLA Stephani Coniunx, Emerici Mater, in Divis fi-

lio & marito, imò Hungariâ universâ, in lucem veræ
fidei regeneratâ, felix fœcunditate sua, MATHIL-
DIS Othonis Imperatoris Mater, ELISABETHA Hun-
gariæ, HEDVIGIS Poloniæ Regina, augusta inter Su-
peros Nomina Tuorum eminent. Quid memorem
geminos, duo Sidera, Præsules, BRVNONEM Augu-
stanum Pontificem, BONIFACIVM Russiæ Archiepi-
scopum & Martyrem? Insulas ille, Tuo de cælis ac-
clinat diademati, hic heroicum pro Christo Sangvi-
nem ostentat in purpura, ut quem sanctum & innocen-
tem barbara olim effuderat & calcaverat, nunc in rega-
li paludamento divinis effulgentem coloribus, Ortho-
doxa, & Tua jam Russia adoraret. Habemus, hoc
thesauro felices Roxolani, Tui prima Poloni rudimen-
ta muricis, olim guttas nunc gemmas, in divini san-
gvine Herôis, reddituri debitæ ad extrema fidei ulti-
mum pro Te sanguinem, qui Tuum ex Atavo Antisti-
te, mala tunc quidem fide bibimus, sed voto Bonifa-
cius propinavit optimo ad populorum salutem. Tibi,
Tibi, Invictissime Regum, cruenta hæc Majorum ve-
stigia retinet tellus nostra: quò Te magnanima bar-
bari cruoris sitis, & bellatricis gloriæ ardor vocat, hæc
iter est bellis. Totus ad prælia Domini indomitis fer-
ves ignibus, totus in Sanctæ Fidei tutelam, interitum
hostium Crucis CHRISTI, succensis de cælo colori-
bus æstuas, hîc quærendæ multo sanguine gloriæ re-
pertam tanto votorum cursu arenam iniisti. Quid
enim ab imbre purpureo Bonifacii, nisi diluvia cruo-
ris barbari, ad Polonæ decus purpuræ, quid, nisi fœ-
cunda speres germina Lauréarum?

Subvectus ad usq; cælos, per Vitikindeæ Gentis
Sidera, audax sublime ferri calamus, viam rursus affe-
ctat Olympo, cum in Sacra MISNENSIS Familiæ
atria, unamq; totius imperio Orbis fœcundam Domum,
religiosus quidem defleat, pervicax tamen magna mo-
dis tenuare parvis. Quid non THIEMO Comes à
Vitthin,

Vitthin, Misnensia inter lumina primæ Magnitudinis
Sidus, quid inquam non cælo dignum, terrisq; spira-
vit altius? cum totis cruentum ardens præcordiis Mar-
tem, & in prælo Mansfeldiensi, vulneri, gloriâ non
minore quàm sangvine mananti, triumphaliter immor-
tuus, hæc ex humanis excessit, qua Heroibus ad Astra
itur. **CONRADVS** Marchionum Misniæ primus,
MAGNI cognomentum factis grandibus fortitus, cum
Orbem gloriâ implevisset, depositis ultro Fascibus, mi-
nimum se mortalium, intra religiosæ vitæ modestiam
censeri præoptans, cælum invasit Maximus. **THEO-**
DORICVS Cænobii Dobralucæ Fundator, lucem, ipsis
ab umbris, quæ sacros recessus regunt, Nomini Sere-
nissimo accendit immortalem. **OTHO** dives opum
non minus quàm virtutum, Urbium Fribergæ & Li-
psix Conditor, inter erutas è terræ visceribus auri ar-
gentiq; glebas, fodinam purioris obryzi in candidissi-
mo pectore apertam circumtulit, æquè urbes muris,
ac mores duxit meliore metallo. Rigidis, Placidi:
Strenuis, Bellicosi: Fortibus, Sapientes, successere **FRI-**
DERICI. His **ERNESTVS** Patris Patriæ inusitatum
agnomen & Coronam Pietatis in titulo permiscet, **IO-**
ANNES Bonus & Constans geminum decus adiicit, ne
Trajanos post Nervas, aut Titos post Flavios, rarissi-
mam Bonis Optimorum successionem, Romana ampli-
ùs jactaret antiquitas; dum longiori multò interrup-
tæ virtutis serie, inter Serenissima Misnensis cæli
lumina fulsit pro Castore Pollux. Attollit vel è tu-
mulo trophæa, subnixus victori gladio **MAVRITIVS**
Imperii Elector, Carolo V. Imperatori Germanæ Mi-
litix Ductor, seculi sui Epaminondas, dignam herodæ
animo quærens per vulnera mortem. Intexuere Pal-
mis Oleas Togatæ Prudentiæ Sidera, **AVGVSTVS I**
CHRISTIANVS uterq; in quibus ingenium quantæ-
cunq; fortunæ capax, & par augustissimis indoles, con-
summatas bene & feliciter regnandi artes, Orbis Prin-
cipibus exhibuit ad prototypon. D Inten-

Intende audacem in sublimia nifum calamo! & jam ad supremam Saxonici Splendoris augem, ad illam quæ lucem inaccessibilem habitat meridiani Solis regiam, per decursam tot luminum Siderumq; semitam eluctare. Ita sanè SERENISSIME REX, quò propiùs avitum Sangvinis Tui jubar, collecta luce, & toto velut Sole Cunas, Soliumq; Tuum irradiat; eò sublimior altissimâ Lucina Tua Astris graditur, medioq; ponit vestigia cælo. Ita mihi incurrit in oculos, & in assuetam tantæ luci pupillam ultore radio everberat Serenissimus Dux & Elector Prôavus Tuus, IOANNES GEORGIUS I. Vidit in illo, geminum Mundi Oculo Ocellum Principum, tersissimo nitore mentis solerter ad omnia circumspectum, svaviter in omnia influentem, sæva illa Europæ nubes; quæ actis in profundam caliginem Regnorum discordiis condensata, jam fulgurante mutua in fulmina tonitru immugierat, jam in sædam armorum tempestatem & nimbos sangvinis dissilire parabat; nisi Magnus tunc ille Mundi Arbiter, & è tripode suo oracula Pacis locutus, inopinam in malaciam risisset Apollo. An verò Stylum non in Sole defigo? dum factis illustribus in secula scintillantem refrico memoriam IOANNIS GEORGII II Avi Tui Gloriosissimi. Meridiabatur sub illo, ad Orbis usq; invidiam, sine turbine & umbra, diebus horisq; aureis renidens, & innubis Saxonie felicitas. Tota in Togam, cujus ne fimbriam quidem tetigit Martis ira, splendidè & magnificè composita, solos ad ingenii conflictum, artisq; certamen provocavit Myrones & Parrhasios; crevit in superba anno sæ pacis opera. divitiis circumfluxit, Ordinem rerum animam in ipsa vitalia excepit, Legum robur firmavit, lucem gloriæ latè sparsit, niveas Pacis & Iustitiæ bigas placido illo moderante Numa.

Ac tandem, Magnum Genitorem Tuum, Nostræ in Te supra culmina Solis ituræ felicitatis Parentem,
Sere-

Serenissimum IOANNEM GEORGIVM III dum cogito, multos Soles in uno stupeo, & voragine quadam lucis concentratæ absorptus, obambulantes perstricto ingenio tenebras ipso in meridie palpo. Occurrunt Sole meridiano clariora laudis amplissimæ argumenta, sed confusam tanto luminum concursu obtusæ mentis aciem magis hebetant & obnubilant, & dum singula, abreptum, ut aspici possint, oculum, fatigant, multâ se luce videri prohibent universa. Quid non illo summum? quid non ultra fastigia porrectum? Parnassi somnia & feliciū cogitationes ingeniorum excedens? elevatissimos calami linguæq; modos supereminens? Militaris Baltheus, an aurea pacis zona, Ducalem illi Trabeam, pulchrius præcinxerit? Cassis an Mitra, Majestatem vultûs dignius explicuerit? Toga an Sagum Ducem & Principem, an belli Imperatorem magis decuerit? utriusq; virtutis contentio & pugna innocens, seculorum iudicium in ancipiti tenet. Martiam illi gloriam madentibus adhuc calenti sanguine trophæis in immensum attollit, defensa victricibus armis, & per hostilium acervos cadaverum, per vindictarum ruinas Urbium, in triumphalem Colossum Hæctori suo assurgens Germania. Rhenus & Danubius, utroq; pulchras in litore laurus, usq; dum decolore tabo fluentibus undis alluunt, ut virentes immortalius conservent: Muralibus Obsidionales innectunt, ut Coronâ æternitatis impleant Moguntia & Vienna. Adspexit hoc in illo, toto Marte inhabitatum pectus, & intima cordis admissione dilexit, Apex ille ævi sui Heroum, Europæ Clypeus, Orientis Occidens, toto Orbe gemendus. D. IOANNES III, in illa, quâ pro una Vrbe, de Orbis pænè universi integritate pugnatum est, Vienneusi arena. In illo, quod ad Tulnensem Danubii ripam Capitolium sub Papilione viderat, lectissimorum Germaniæ Procerum, Imperiique Principum Comitio, non pænuit Regum Herodem, Heroumq; Re-

gem, in suos ad bellicæ prudentiæ regulas castigatissi-
mos sensus, manibus pedibusq̃ ivisse, qui triumphali-
um antèambulones successuum rectà duxerunt ad vi-
ctoriam. In conflictu, quo Gradivus acriorem non vi-
dit, mediam Illi socialis Exercitus aciem dirigendam
commisit, quia prudentissimam fortitudinem suam, &
fortissimam prudentiam, inter septuaginta armatorum
millia, Cordis locò reponi debuisse existimavit; unde
generosus, fortia audendi vigor, & Martii Spiritus, tan-
quam à centro quodam & principio heroici caloris,
circulatorio influxu, in universum Militiæ Corpus di-
manassent. Tunc sanè etiam in medio Virtus constitit;
tunc medium tenuère beati tanto Duce Heròes, qui
difficillimà periculorum, quà imperio, quà exemplo ag-
gressus, de Trecentis Turcarum millibus, novem ho-
rarum spatio, libratam dubià victoriæ manu Laurum
primus planè præcepfit. Togatas summi Principis
laudes quid prolixus memorem! loquitur illas, virtu-
tum omnium, quæ purpuras exornant, quæ in fastigiis
rerum humanarum eminent, inviscerata animis &
amoribus posterorum, numeris omnibus absolutissima
Majestas. Rapuerant breves subditorum amores, ge-
mina hæc Magni Parentis decora in Serenissimo Iò-
anne Geórgio IV, Fratre Tuò desideratissimo, sed il-
lum ostenderunt tantum præcocia terris fata, ut colle-
cta utriusq̃ gloria, auctior in unum desineret, non in-
capacem omnium, quia successorem Augustum. Si
dignas, quæ gemmis signentur, tantorum virtutes
Principum, vel ipse iusta rebus pretia detrahens li-
vor judicet, quæ nobilior illarum celatura, quam in
Te pretiosissimo SAXONICI splendoris unione, id
est vastitas & splendor omnium in Vno totus.

Hic videlicet Serenissimus ab Origine, affusus cæ-
lo, & terris omnibus sparsus, bullit regio Tibi sub pe-
ctore Sanguis, Regum & Majorum Tuorum Maxime
AVGVSTE. Hic magnæ ipsis in Cunis Indoli, fu-
mosas

mosas ita cum luce genethliaca impressit Ceras, ut
illas non Imaginibus tantum, sed & moribus expri-
meres, nec per titulorum tantum fastigia, sed arduos
etiam non obvia virtutis clivos Polonum in Solium
nitereris. Vmbram persæpe obscuros in Nepotes de-
formem proiciunt, avita Inachia Domus Lumina:
deservescit ætatum serie in posteris, qui in vetusto
Atavorum Sangvine ad gloriam incaluerat, æmulæ
virtutis ardor; & dum Laureato Cineri insepultus,
adhuc sculptis superbo Mausoleo in vultibus emicat,
jam ignavo Nepotum in pectore, ipso marmore immani-
us friget. Primam, eamque pulcherrimam indulgen-
tis Naturæ dotem, magnæ decus originis, jactant so-
lo antiquitatis pretio imbelles Aquilarum columbæ;
nihil ad Domus Illustris nidum, de Cedris immorta-
libus, sed vilibus de virgultis lutum & paleas ferunt.
Nihil illis ex alta consanguinitatis arbore ad gloriam
pullulat præter Strypem, nihil in fastis de vita & fa-
ctis legitur, præter steriles Avorum titulos, & Nom-
ina vana Catonum. Pendent ab atriis & parietibus,
quæ animis profundius affigi debuerant Parentum si-
mulacra, & obsita denso pulvere, muscas crustis & co-
loribus, aut inertes pagunt tineas, quæ per geminæ
lineamenta virtutis, famem & cupiditatem gloriæ nu-
trivisse debuerant. Sic limpidum à primigenia cry-
stallo flumen, & puro fontis argento cadentes fluvii,
cænosis tractu aquarum paludibus scatent. Sic indi-
gnus diluculo illustri dies, habuit auroram in purpu-
ra, sed ut pro partu degenerare erubesceret.

Alia Tibi REX augusti magnitudo animi, plena
ab ungve tenero vastis cogitationibus præcordia, ut
accepta à Majoribus Serenissimis decora ex Te ipso
deduceres ad summum. Illud, cum tot Imperatorum,
Regum, ac Principum confertissimo exercitu, conten-
dentis ad æmulationem virtutis pulcherrimum iniisti
certamen, ut non illos æquares tantum palmaribus in-

rem Christianā meritis, sed quod ipsi demum jam extra invidiam optant, vincerēs gloriosè. Laboratum tot seculis vetustissimi Honoris Templum, reddis magnificentius quā acceperis, nec incrementa tantū magnis gloriæ Operibus, sed ipsis demum fastigiis culmen addis; architectæ Serenissimorum Antecessorum Virtuti supremam quasi manum imponis, & coronidem, augusto regioq; Nomine coronatam. Vrgent Te Saxonum, quin jam & Polonorum Milthiadum trophæa Themistoclem. Hinc ad perpetuam Laurearum messem evaginati MVCRONIS ad cotem Saxonicæ gloriæ geminato acumine, hinc concitati ad cursus triumphales DANIÆ EQVITIS, maternis calcaribus, ad gloriosissima quævis *Te Pater Anchises, & Avunculus excitat Hector.* Genitor in Saxonia: Rex in Polonia, IOANNES, uterq; sui Nominis Tertius, Tibi ad Falces & Sceptra prævivere; ex Te unico habituri, quo Gratiarum ternionem redderent ad posteros perfectissimum. Quantus sis, Tuum Ipse metire ad pollicem! Infra humeros Tibi est Herculeus labor: Vni Alcides Atlanti, Tu gemino, infractis sub utriusq; pondere lacertis successisti.

Atq; mihi Tuæ intervalla ætatis stricto calamo percurrenti, inversus Naturæ videtur ordo; quem dum parvum magno animo corpus extenderes, annos prementibus factis in compendium redegisti. Integerimam licet vitam Tuam, in qua scilicet nihil præteritum excusandum habes, sine infantia fuisse propè est ut credamus; cum illam nec in cunas admiseris: in quibus Tyriis involutum pannis corpusculum, jam os humerosq; Heroibus Diis similem, jam vultu & animo Augustum evolvebat. Iam tunc dignam Imperio, Priami velut faciem, leniq; suspensam supercilio frontem, metuenda voluptas formosusq; rigor placidè asperaverat: dulces inter oculorum minas, promicabat, quā ardes hodie, heroici caloris flamma; angves cum
Hercu-

Hercule elidendos, quærebat vinculo discincta manus,
iisq; se tantum ligari fasciis præoptabat, quibus Ale-
xander Lyfimacho vulnera, sibi gloriam obligavit:
Iam ingens, impavidus, & vel Martem ipsum exarma-
re promptus & audax animus, gestu, nutu, incessu, &
toroso pectore eminebat. Mamillam, è qua barbari
cruoris sitim primo cum lacte sugeres, nutrix forte Bel-
lona obtulit, Gradivus cunarum vice, lorica & cly-
peum stravit, Vesuvium ignei pro gloria bellorum pe-
ctoris, è prima Spiritus vitalis flammula concepisti.
Extulit ab utero impressum lacerto gladium natus ad
bella Scanderbegus, quasi manum illam, quæ una con-
tra Turcas pro Centimanis fuisse debuit, non prius
vel fascias, quàm arma ferre Natura voluerit; Tibi
geminatâ gloriâ, binos ENSES, Vagina Heroum, Se-
renissima Ducum Saxonix Domus, nascituro porrexit,
quasi Infanti etiam non sufficeret unus, manibusque
cum Pellæo Iuvene de Palma certaturis, quarum O-
rientem una, Occidentem altera, trophæis impletura
foret, duplex GLADIVS deberetur. Audit Gladius
Romanorum Marcellus. Tu cum è vestigio Majorum
per gentilitia reptares ARMA, ab ipsius malleo & in-
cude Orthodoxi Martis ad bella Domini affabre factus
MVCRO prodiisse visus es, qui sævum Byzantini Ca-
ligulæ acumen, ut uno sub ictu stet genus humanum,
triumphaliter retunderes, & districtis in Crucem En-
sibus, quâ se cunq; obtruderet Crucis hostis, partem in
omnem, cædes & vulnera intentares. Quæ verò illa
dulcibus prorumpentia lacrymis Magni Genitoris so-
latia! cum ad torvum post prælia, & adhuc tunicâ te-
ctum adamantinâ, armatos intrepidus rueres per fa-
tellites, ad fulgur galeæ & nondum excusso pulvere
horrentes cristas in apertam aciem, ad classicum tru-
cesq; lituos pronam aurem arrigeres, arcu digitos, ma-
num capulo fatigares, ad bellatorem eqvum, sinu suo,
imò velut corpore prosilires! Quæ videntium admi-

rantiumq̃, quantus futurus esses, non dubiæ spei innixa expectatio! cum vix teneras emensus aristas, ea, indole exhiberes, quæ confinia quidem ætatis minimæ, sed non Tui magnitudinem animi superabant.

Primæ annos pueritiæ ingressum, erudita Pallas, blanda manu prehenderat, ut stadiis bonarum artium imbueret, sed illa etiam galæata. Vasto & sublimi ingenio, postquam tantum literariæ lucis, quantum natam ad Sceptra indolem deceret, limata ab Ægide Minervæ afflaveris, subito ad Umbonem Bellonæ respexisti. In illo velut tersissimo heroicæ mentis speculo Te ipsum contemplatus, quantum spei publicæ quantum Tuo genio, non sibi sed Christiani Orbis tutelæ & gloriæ Te genitum credenti debueris, uno omnia sub intuitu vidisti: & mox robustus acri Militiâ Puer, alter Novennis Annibal, rei bellicæ instituto, ab ipsa planè Bulla, constans & fidele sacramentum dixisti. durare Sole geluq̃ cutem, nudo rigentiq̃ gramine somnum & lectum fallere, obvio fonte sitim, cibus sine arte & foco, aut inediæ tolerantiam explere famem, ferendis facile oneribus fatigare lacertos, firmare vires cæliq̃ injuriis exercere, feroces edomare equos, certis figere scopum jaculis, erutum propria manu cespitem ex regula & amussi in munimenti formam attolle-re, venatu agitare Sylvas, excutere spelæa & cubilia ferarum, formidatasq̃ gregibus & agricolis belluas telo aut venabulo intrepidus aggredi, moriq̃ ambitiosè volentes, manu regia dignari, pueritiæ Tibi an militiæ rudimenta fuere? Primum vix Castris pedem, totum simul animum intulisti: gratum in classico melos, ut avidâ semel aure biberis, tanquam Orphei vel Amphionis Cythara, aut cantu mellito Syren, bellatricem mulceret animam, nunquam exsatiari potuisti. Laquearia Tibi sub tentoriis, hortorum vel theatri oblectamenta, in pulvere & arena, acu Phrygia depicta vestis in lorica & Sago, pro auri gemmarumq̃ fulgori-

lem diei, tenebras noctibus eripiens, excavatas sectasq;
fine dolabris Pænorum, rupes, & terebratæ viscera tel-
luris, ictu fulmineo pervadens, non minùs bella quàm
ingenia exercens, fractis legibus & everso cursu suo
defixa admiratur Natura : quod promptè & profundè
cognitum , Lynceæ mentis oculo perspectum , man-
sumq; probè ac digestum, cum gustu ferix virtutis an-
helanti animo non hauseris, ipsasq; Martii pectoris non
traduxeris in medullas..

Vix in reditu, Patriam à limine salutasti ; cum ec-
ce exambitum tot votis probandæ virtutis Martiæ thè-
àtrum Moguntia Tibi aperuit, illudq; primo pænè Tuo
passui, quò arenam illam presseras, triumphale. Se-
cutus circumfulgentes Rheno Aquilas invictissimi Pa-
rentis vota & solatia Paterna præcurristi. Ut Te se-
cum junxisse pericula, ut per summa & Tuis tantum
digna fatis discrimina, ad gloriam triumphi provolâs-
se vidit! toto pænè Rheno superfusam paterno cordi
dulcedinem vix sustinuit ; quin ad singula fortitudinis
Tuæ prodigia, diffunderet animo in admirationem &
solatia. Ivisti ad illam obsidionalem Laurum, novus
cum Ænea Ascanius, cum Thèodosio Honorius, non
sine grata quadam Magno Patri injuria, honoris bel-
lici incrementum accipiens, quò fluctuantem diu Rhe-
num & Brabantiam in ambiguo detinueris, cuinam
Vestrum, inter Herodas seculi Principem locum darent?
Scilicet quò Maximo Genitori propior, tantò Major
omnibus videbâre ; non eo Tuæ, quod Astris commu-
ne est felicitatis & gloriæ fato, ut primo heroicæ for-
titudinis Sideri ex vicino accedens, lucis propriæ di-
minutionem incurreres, sed geminato potiùs splendo-
re, alterum Orbi Solem Heroum exhiberes : Tu in-
terim lege ex mænibus & mentibus Moguntinis me-
mor posteritas, quæ fuerint A V G V S T O Principi
trophæorum auspicia! cum hóc primò qui continuus
præiret triumpho, non simplicem illi deditiois her-
bam, sed lilia porrexerit expugnatus hostis.

Quæ

Quæ verò ingenii aut pennæ felicitas, immortalium in Belgio & Anglia operum sublimitatem attingat? Singulis pænè passibus Lauri succrevêre & Palmæ; nullum non triumphale in hostem iter, eadem pugna quæ victoriæ arena, nulla sine linea fastorum æternitatis dies, & qui solidam duraturis heroum titulis laudem firmat, idem armorum ac animorum triumphus. In Castris Magnæ Britannæ Regis cum stettisses, Castra ex Te ipso fecisti: ad quemlibet calcata victorioso pede telluris pulsum, (quæ Magno olim Pompeio ambitio magis, quàm voti fiducia fuit) exercitus in hostem erumpere videbantur. Cum in media hostium Castra, prodigus magnæ animæ, an fati Tui securus, proruisses; rursus ad vocales in ævum famæ tubas, Mutium revocasti, illius, in excessu audaciæ & pænè crimine fortitudinis, erroris reus; quòd non adusq; Porsenæ tentoria, sed ad extrema densæ mortis pericula, contemptam quasi vitam projeceris, quâ olim erigeretur & viveret salus nostra. Quis referat? quantum Te inibi ipse hostium metus amaverit! quàm metuendus confligentibus tecum, pulcherque timor occurreris! qui Te exercituum plausus, quæ Ducum heroumq; studia, ac Regis amores circumstiterint! Ambire hostes ab Ense Tuo vulnera, à Tua id est fortis Æneæ manu oppetere mortem, in censum immortalis gloriæ referre, non se humano robore, sed ut Dardanium olim Heròem cava nube amictum, ferroq; suo impenetrabilem credere, Cõmitones animum è Tuo vultu sumere, Victoriæ à nubibus pendere, ab oculo gratissimum heroici laboris testimonium accipere, illum fortissimum reputare, qui Tibi, id est difficillimis belli periculis esset propior: Omnes Tui copiâ, singuli primam admissionem expetere: Tu, Te ita omnibus moderatissima humanitate partiri, ut singulos voto suo felices redderes, ita singulis familiarem te præbere, ut incorrupto honore Ducem conciliares cum

Milite, totumq; inter omnes Principem retineres. Rex ipse, animum semper supra pericula non satis æstimare, primum in acie, ultimum de discrimine, perpetuum in palmis colere & mirari, in vultu quem heroicus vigor, & nata Scepbris species augusta varietate confuderat, continuò hære, inter ridentes amare vere frontis gratias, & rigidum Martis supercilium, quidnam magis deceret? nunquàm satis discernere; non indecoro pulvere sordidum, & tamen sua Majestate conspicuum teneriùs amare & venerari; jam Te in Heròe Regem, jam alto fustum solio, cum bellatorem equum conscenderes: jam purpurâ fulgentem cū cataphraëtus venires: jam in galea coronatum sibi videri, & divino quodam suggestu, palam omnibus edicere: Fama interim, Orbe toto, indolem supra Heròas, & dignas Imperio virtutes circumferre per vota & desideria populorum.

Talem Te Adriatico procul de littore vidit, & se illicò totum in spes novas trophæorum erexit, Magnus etiam è longinquo Heroum cultor **LEO VENETVS.** Ad delendam valida internecione, suis è cladibus repullulantem Orientis Hydram, destinatum cælo Herculem habiturus, Tibi suorum Clavam armorum detulit, clavem sibi in illa referendæ avito dominio Cretæ non ex vano pollicitus. Ivisses, quò Te non minùs Centuriata Amplissimi Senatûs invitabant suffragia, quàm generoso magnanimum pectus honesto urens Virtus Tua vocabat, nisi morte Serenissimi Fratris, paratis cælum obstitisset conatibus, jam pænè capulum tenenti dexteræ, orbatos Germano Principe Saxonicos Fasces ingerens. Fuit reor Aquilarum cum Lèone, pram Iove, lis quædam & contentio, Isto non minùs quàm Illis, Te sibi in fatis habitum contra Turcas triumphalium armorum Ducem, ac tandem & Regem nostrum, diùrna per jurgia vendicantibus, donec inspectâ penitiùs cæli arcanorum cortinâ Te ad bella
Domi-

Domini, non excurrentem passibus, sed animo evolantem intuitus Iupiter, pro Aquilis decrevisset. Hæc certè Superùm Oracula, consciùm Imperatorii pectoris, Augustissimi LEOPOLDI moverunt tripodem, ut Te generalissimo Exercituum in Othomanos regimine, bellis suis & triumphis præficeret, Nobisq; super triumphatos Pannoniæ Montes, conspectiorem redderet, quæ per medias Laurus vestigaremus ad Coronam.

Nescio, an fas sit profano laudatori, per divina huc Tecum, quibus terras illas sacrasti, ire vestigia? in quorum singulis hæret pedisequa immortalitas, sola cursum gloriæ Tuæ æquare capax, qui calamos hîc omnes, & elevatissimos styli conatus, longè post terga reliquit. Ampla & vastissima rerum à Te solò bienniò gestarum series, novam, haud satis, bisseos per annos cruciaret Thebaidem; Medullam & nucleum Martiæ, quâ hîc paginam omnem implevisti, virtutis, Homeri Ilias non caperet. exhausti penitus eruditarum sudores frontium hoc labore ebria Helicone toto ingenia, sub mole hac in vertiginem agi, ipsa demùm, laboratura olim videtur Annalium fides. Inhiare malè sana orexi, aureo Hungariæ pomo, suis nondum cladibus saginatus non destitit Tantalus Othomanicus, & toties licet Polonâ, Germanaq; fortitudine elisis faucibus, bolum, qui semel admorsus, crudele irritavit palatum, continuò captabat. Tu rursus diductam immani rictu gulam, armis triumphalibus felicissimè fregisti; & aliena allatrantem, ut suum jecur roderet, dignum Titii vulturibus, ad rupes illas cautesq; Pannonicas victoriarum Tuarum torquibus alligasti. Quàm divino per humanos casus animo incessisti! ut positam in arduo gloriam adiisses: quies effusas totò cælò injurias, conjuratos in prælia ventos, mutatam elementorum fidem, infractâ prius triumphasti tolerantia, quàm Te vel in conspectum hostis admitterent; quoties cælum Tibi prius vincendum fu-

erat, quàm tetr̃is barbaros depulisses. Injecere mo-
ram augustæ ad trophæa celeritati, angustæ viarum;
Tu, ne solum Ciliciæ fauces clamarent ad posteros Ale-
xandrum, per invia & difficillima fecisti cum non in-
veneris viam, Obstitere magnis ad gloriam passibus,
asperrimi, & pendente in fallaciam pedis præcipitio
non adeundi montes; Tu, ne solum superatæ Alpes ef-
ferrent in sublime Annibalem, altiori quibusvis peri-
culis virtuti pervios & inferiores reddidisti: Detumu-
it ad Tui pedis vestigium, superbis elatus scopulis fa-
stus ille, & qui alterius plantæ audaciam, rigente ma-
gis an ridente supercilio, securus ab alto despexisset,
Tuæ se, emollitâ quasi Saxorum proterviâ, & depresso
in venerationem cacumine, supra-quàm humanæ for-
titudini blandum acclinemq; submisit. Expavere non
visum antea diem, an Tuorum insolitam armorum lu-
cem, attonitæ Sylvarum tenebræ, profundis sepulta
umbris nemora, Cymmeriisq; noctibus habitati saltus;
cum agmina & cohortes illac duceres, ubi vix laceris
tentata ungvibus ferarum vestigia legerentur. Adeo
ultra Solis ipsius viam Tua processit fortitudo, & quò
non radius ante Te, plenus Tecum illapsus merides,
ambigente cælo, an Phæbi tunc an animi Tui induis-
ses vultum, quem tot inter viarum molestias, & dif-
ficultatum tædia, sudum innubemq; circumtulisti.
Ardebat quasi in Tuæ æmulationem inflammatisimæ
virtutis, Syriis fervidissimus Sol caloribus, Tu flagran-
tissimo in Imperii securitatem amore magis ac magis
æstuasti. Inhorruit nivibus & pluviis fæderata tem-
pestas; collecti intra montes nimborum excursus, ad
fluminum altitudinem excreverant, noctem diei mi-
scuit fædus ventis & imbribus àér: Sed hæc in Tuo,
Militumq; Tuorum animo, accensas magis aluerant
gloriæ belli faces, quibus ad singula fortiter obèün-
da non tam mandatis & imperio, quàm præluxisti exem-
plo. Primus ubiq; subiisti jussa, prior arduissima oc-
cupasti,

cupâsti, quàm sequi milites imperares, fecisti ipse quod faciendum jubere debueras. Ivisti contra obnitentem magnis conatibus fortunam, detecto vultu simul ac animo, & quis langventem non celâssset socordiam? Opposuisti lætam absq̃ ruga, tristi cælorum inclementiæ frontem; & quem illâ non perstrinxisses? cujus dejectum non erexisses animum? Cui oneri fuissent vel gravissima perferenda? quibus immotâ Tui ipsius tolerantia, magnoq̃ Ducis exemplo multum de pondere detraxisti. Quis non alacer evigilasset ad gloriam fortitudinis? cum Tu noctes plurimas, Baltheum Sagumq̃ non exutus, gravem solo ferro somnum duce- res,; quis non inedia sitimq̃ constantius tolerâssset? cum Tu solo famæ immortalis appetitu ceteris ex- pleres famem, solo gloriæ ardore extingveres sitim. Re- putet maturius, quæ suum cuiq̃ decus rependit, im- mortalitas; plusne tunc heroici sudoris Tui, quàm Massici generosi, in populorum salutem ex Vineis Hungariæ suo expressit torculari? ut ingemmas, gut- tas singulas eliquaret, in quibus tantus in rem Austri- acam candor, & Christianæ rei pretium elucebat. An non opulentior in Montibus illis turgebat auri vena? quibus aureus in ferro Princeps, purum illud soloq̃ bo- no publico renidens pectoris Tui metallum admovisti.

Iam in illo, quô subactis, aut industriâ Tuâ ver- sis in perniciem hostium cælorum injuriis, immite si- mul tempus, simul immanem, suâq̃ circumvicinæ rel- luri multitudine gravem barbarum expugnâsti, diffi- cillimi conflictus, an Tuæ insuperabilis virtutis Cam- po Martio, quanta Tibi surrexit laudum seges! quan- ta gloriæ succrevit messis! Immemor pænè Ducis, gessisti Militem, ubi soli par fortitudini Tuæ occurre- bat periculum: Mox Militi conciliâsti Ducem, ubi prudentia solers heroici sanguinis commendabat par- simoniam. Dedisti omnibus pugnæ legem, sed quam primus omnium implevisses. Caput Exercituûm ha-

bebare; & tamen manum etiam misisti ad fortia, pari dexteritate clavam Imperator, ac gladium strinxisti Heros. Quo Tecumq; ardentissimus raperet belli calor, erepta resistendi fiducia cucurrit per membra pavidum hosti gelu; quocumq; inter tonitrua Machinarum, aut nudam ferri aciem, fulminis instar, aurem barbarorum everberares aut pupillam, Tuæ inibi classicum audivit Victoriæ, suæ Nuntium cladis vidit: quocumq; per obstantes cuneos, animo & gladio triumphali proueres, stragem latè & funera seminasti, Laureas & gloriam messuisti. Quantum Tecum ipso, sub prælii æstum, Tuis certamen fuerat! ut Tuâ, omnium constare salutem cogitasses: ut Te servares gloriæ, non prostitueres discrimini, ut imperia, non pericula exerceres. Sed Tu exasperatus, intrepidam magis mentem talibus blanditiis, æquè amoris militum ac hostium furori pectus impenetrabile habuisti: erupturum per mille chalybes, ad gloriam animum, non passus es, ullo obice retineri, quin maximorum audaciam periculorum, & primam Victoriæ palmam præriperes universis. Ita faventibus tandem Superis, & fatigato invictâ tolerantia cælo, diu libratis in ambiguum alis, circumvolitantem æmulus exercitus Victoriæ, Tuis auspiciis, Tua pænè manu Germaniæ addixisti, unaq; acie & metuendis Orbi viribus subnixum hostem, & frendentem tacito livore invidiam triumphasti.

Hæc Tu AVGVSTE MAXIME pro gloria magni Nominis, pro Christianæ rei commodo, pro Bicipitis Aquilæ, tollendis supra Lunam trophæis totus in Hungaria Mars, totus Achilles! cum pullata interim candida Sarmatiæ Ales, ubi nidum avitæ felicitatis poneret, toto Orbe vestigans, ad Te tandem fortunatissimè convolaverit; qui excusso vi factorum CLYPEO nudam, domi forisq; convulsam & implumem, non protegeres tantum, sed GLADIIS etiam triumphali-

bus

bus propugnare. Moliebaris grandiore in Olympiis Gradivi Orthodoxi gloriæ Tuæ passum; cum ecce placata perditis Poloniæ rebus Numina, Campum in Te Electoralem converterint; ut & vastius hîc Tibi exercendæ per arduissima virtutis regiæ stadium aperirent, & gesta hætenus heroica in Majestatis Opera permutarent. Hîc Tibi scilicet provocandi fortunam indomita virtute, hîc erecta & immota cervice, factorum irritandi & hebetandi secures, hîc ex fine alterius laboris, gradum sequentis ineundi, hîc totum Te Tibi, ut publico Orbis bono impendas, eripiendo, ingens, & ultra vota arena panditur; hîc in Corona, quam cum summa felicitatis Nostræ Capiti Tuo detulimus, summa Tibi & coronis votorum: ut per ruinas & excidia barbarorum, Christiani Nominis quàm longissimè extendas Majestatem; ut extrema pæne rerum nostrarum deliquia & spem ipsam quæ miseros ultima deserit, tremulâ fiduciâ palpitantem, antiquo Sarmaticæ gloriæ & fortunæ vigori, Victor hostium, Internæ assertor pacis, ex utroq; Augustus restitueres. Lateritiam accepit, reliquit Marmoream Octavianus Romam, sed id adultâ compositi Orbis pace, fortunæq; assiduo famulatu Togam illam lambente; quam sibi, priusquàm Trabeam induisset, candido prorsus vellere, filioq; interruptæ felicitatis aureo amicæ sorores texuerant. Tibi laceræ undiq; res Polonæ, ex laciniis calamitatum, Purpuram humeris circumponunt; nec mollis Te Capua, florensq; Tybur pingvi oleâ fluentis Regni, Regem excepit solio; sed scoria & ferrugo temporum, aureum dedit Principem; ut inter malleum positus & incudem, gloriæ Tuæ, nostræq; fortunæ artifex, æream nobis in auream refingeres, Romano major, Tibiq; tantum par Ipsi Augustus.

Crediderim, non sine arcano factorum, in pervigilium Ascensionis Dominicæ Electorale incidisse Comitium; ut scilicet Te electo, culmen quod exciderat

Polona rursus ascenderet cælo propius adstituta felicitas. Non prius me Hercle tunc, dimissimus Numen è terris ad Superos, quam grandem illum congregatæ Reipublicæ actum, divinis nutibus & auspiciis inchodasset, qui in Te tandem suæ apud Nos Vicarium potestatis auspicatò desineret. Fuit illa, quæ abituris & migrantibus, matura & inviolabilis esse solet, DEI pro Te genuina voluntas; & divini vestigia beneplaciti, quò humana in sensum suum recta irent consilia iterum expressa vidimus in Te SAXO. Nubes obvia, non prius ereptum terris, arcanò cælorum involuit DEI vultum, quam lux voluntatis suæ, Te in animis eligentium evolveret, quæ ideo Solem veritatis non perdidit, quia nonnihil in nubibus hæsit. Ita nimirum non facile obvia, quæ rariora & exoptata sunt: magni laboris impendio, & censu difficultatum veniunt, quibus non è plebe virtus aut Natura, inusitatum decus, & fecundam multi boni felicitatem adstituunt. Calcas & proteris arenam in littore, steriles conchas & adhæsurum paleæ succinum despumantes aquæ proiciunt; candorem & lævitatem gemmarum in profundo marium scrutaris. Rude folium venti rapiunt, pomum nobile fixior ramus tenet, prata ridentia camporumq; apricum, vilis & incultus, flos investit; Rosarum Muricem spinæ muniunt, & lilia horti claudunt, Profanum vulgus lapidum, quamvis falebram, & glebam terræ obsidet, adamantem rupes obruunt, & aurum montes tegunt.

Ita Te per ardua & confragosa, è tot difficultatum visceribus, scissis etiam & abruptis animis, erue-re debuimus SAXO pretiosissime, quia Gemmam Principum, quia nostræ felicitatis & gloriæ lapidem angularem. Opposuerè Tibi Candidatorum Serenissimo Soli, densas & caliginosas nubes, implicitis & convulsis suspensa fata sensibus; sed ut pulchrius in illis, evolutus ex omine DIVERSICOLOR appareres, refractosq;

Et osq̃ mille varios virtutum regiarum colores, in Tui pompam honoris duceres, & quem clauso ubiq̃ Iani templo, Arcum pacis toto in Orbe attollendum, Princeps AVGVSTVS in fatis habes, hunc primum, placata civilis dissidiis tempestate, in animorum Iridem explicares. Illud Tibi etiam, ut tanti mensuram impleres Nominis, debebatur Augusto, fessa discordiis civilibus Regni sortiri initia; sed quæ non è Pharsalia & Philippis, sed invicta & machinas odii in tela amoris refingente, regii æquanimitate pectoris, in gratissimam publicæ tranquillitatis malaciam abirent, & perpetua in vultu Principis Civium halcyonia spirarent. Scidit, veluti excomposito cognato forcipe divisas mentes, fatalis Libertati discordia; sed ut brevi auspiciatissimâ Tuâ insertus dexterâ, solisq̃ concessa Augustis felicitate, Lechico fulgeret in diademate, perfectissimi pretii unio animorum. Primus ejus Nominis, cujus hodie summus es, tentatos Avo Parentiq̃ conatus, Polonam Lithvanamq̃ Gentes, in unius Reipublicæ augusto Spiritu perfecit corpus. Tu, cum magnis Tecum accessibus, utriusq̃ decora auxeris in immensum, firmius coæquatum Aquilæ Equitem sociasti; hians & laxatum utrobiq̃ vinculum debitæ in Principem charitatis, illo regiarum virtutum torque adstrinxisti solidius, quo sociabilem in Polonia concatenares cum Libertate Majestatem.

Deficeret Gallicum, aurea ab ore catena Herculem, si earum quæ Te jam in Solio circumstant, longissimam seriem virtutum retexeret: si ea ordine recenseret; quæ toto se agmine insinuant, & attonitas cogitantium mentes dulci admiratione confundunt. Religio, basis & fundamentum Regnorum, Throni Tui vestibulum & columnen, in quas spes non extulit gestientem animum INNOCENTII? Tenerrimis ac innocentibus lacrymis suffusus sanctissimus Senex, jam voto non dubio lætatur, redituram Tecum Au-

gusto Saxoniam in obsequium veræ fidei, quam in Te Polonia coronavit. Ille, ille divinitatis radius, qui Principem afflavit animum, inde Regis erat; & dum Te nativis lustratum tenebris, illustriorem Orbi fecit, nobis Serenissimum ostendit. Vt Ethnica superstitione Persarum, Orthodoxa in Polonia Fides inclaresceret, Tu lectissimis Competitoribus præripuisti Coronam, quia Primus Solem ab alto Orientem mentis oculò aspexisti. Augustus liberæ Gentis Princeps, & verus Patriæ Pater futurus, prius Te ipsum profanis emancipatum erroribus, in Filiorum DEI afferuisti Libertatem. Tibi re ipsa non titulo tenus, regium DEI gratia inscriptum privilegium; quia cæli prius quàm Regni Candidatum, DEVS ipse elegit; & Regum Electori Populo, Imperii Electorem præesse iussit, postquàm in Sceptri immortalis hæredem adoptavit. Extende ab immarcescibili DADROVCÆ Serto, ad usq; istius quod vivimus felicitatem seculi continuandum seris nepotibus floridæ pietatis honorem Orthodoxa Polonia! quòd nunquam in sinistræ fidei manum, Regni pomum ingesseris. Manipulum Iagellonianum, in hodiernæ felicitatis acervo fortunato recollige! En iterum in Scyrpo Fascium Regni nodum eundem sollicita quæstisti! quem regnaturus ex DEO Princeps, dum jam districtis pro Cruce Ensis cum omni dubio resolvit, amica Tibi Superùm fœdera sanctiùs obligavit. Tene & Tu supra culmen fortunæ & gloriæ Regni, tholum ipsum & clivum supremæ felicitatis Tux Regum piissimè! Næ Tu altiùs ascendisse potueris, quàm dum ita DEO proximus constitisti! Hæc Te vel unica celsitudo, terrarum Dominum evehit ad DEVM; hæc in Te fastigio felicitatis Augustam Poloniam, Te in Polonia Augustum Regem toto cælo coronat.

Regalis prudentiæ documenta, plena oculis omnium incurrunt luce, quamvis non egressa florem annorum latere cupiant sub ætate. Hæc Tux Operum
immor-

immortalium coronæ, tot jam intexuit Civicas, quot, præfocato primis in scintillis Civili bello, Patriæ servâsti Cives, hæc priusquam Martia Tibi gloria Othomanicas affringat Laurus, pulcherrimâ Pacificatorem Augustum Oleâ insignivit. Quæ illa mentis in omnem casum providæ, in subitis paratæ, in dubiis securæ, in arduis erectæ, tranquillæ semper & exporrectæ vastitas? quæ intimos animorum recessus profunda bolide penetrandi felicitas? Omnium licet affectus & officia comitate & alloquiis provocas, non tamen favoribus Tuis, malus pro bono subrepat, non bonus pro malo displicet, æquo supercilio & pretium virtuti, & censuram vitio dispensas; idem frontis serenum paremque menti vultum, in prosperis retines & adversis; quantoque prudentissimæ dissimulationi, quæ Sceptra in manibus Regum firmat, propius accedis, tantò longior es à lividæ confinio similitudinis, quæ planè vultibus Principum difformem animû componentibus adnata verruca est. Svadere Principi quod oporteat, multi plerumque laboris, apud Te plurimæ facilitatis: quò recta ad salutem publicam consilia inclinant, illuc assensus regii oraculum ex statera prudentiæ promptissimus inflectis. Optimorum Dux ipse & author consiliorum, sequeris, libens alienos etiam, sed quibus unica salutis publicæ ratio præit, sensus; in bivio, speciosa inter & genuina non hæres, per suppositos cineri doloso ignes oculatissimus incedis, larvas & fucos fallentium perstringis. Totus ipse speculum es & idea, ad quam se comat elegantissima imperandi solertia, ex qua se prudentissima regnantium Majestas, ad salutem componat populorum.

Binos Enses, alterum Fortitudo, Iustitia alterum, Serenissimis Tibi in Ceris præfert, utrumque Clementia temperat, neque hebetat sed moderatur acumen. Hæc persæpè cum in bellicam in arena Martis gloriam laborares, excelluisti Victor, priusque triumphatas hostium mentes, quàm Vrbes aut Castra expugnasti, corda prius & animos, quàm pressas servili jugo captivasti cervi

ces. Multis utile bellum; Tibi in illo singulares ma-
nubiæ, spoliūq; opimum, cum humanitas Tua, barba-
ros feritate exueret. Maximus triumphi & victoriæ
gustus, si hostis etiam, cum amarum sortis suæ sinapi
morderet, Tuæ dulcedinem benevolentiae persensisset.
Solas catenas & compedes captivis alii, Tu primum vin-
cula iniiciebas charitatis; videbanturq; planè sponte
suas in clades ruere, victoriam pro Te ambire: ad Tu-
os triumphatoris pedes velle cadere, qui ad manus
Tecum venerè hostes, ut maxima victis dares semper
clementissimus solatia Victor. Iam quis in folio aram
Clementiæ non adoret? quis Numen quoddam in Te,
regiæ inter Principes bonitatis non suspiciat? Tran-
quillam potestatem, quâ solâ cuncta peragis, adeo su-
blimem in Majestate explicuisti, ut vel Olympo illi par
sit, in quo nullus coit in nubem rigor, nullus iræ &
turbido locus, sed inviolatum quoddam perennis clemen-
tiæ serenum, intaminatis honoribus fulget, Emines
certè hic Diis simillimus Princeps, Iovisq; solium non
attingis tantum sed propè excedis; dum cælestia ten-
tas. Non fulmina offensus, ab alto vibras, non sæva
irati rigoris missilia torques, sed ipsius jaculo divini-
tatis, id est inoffensæ mansuetudinis amoribus, animos
qui offendere voluerunt, configis & suaviter penetras.
Non ulla læso in animo obligati vulneris cicatrix reman-
et, nulla vindicis memoriæ, aut memoris vindiæ
signa, nulla patientiæ exasperatio, aut ultionis dulce-
do, nisi dum injurias beneficiis ulcisceris, tardam of-
fensæ veniam arbitratus, si non illam sequatur è vesti-
gio celeritas gratiarum. Habes verò optatum regiæ
hujus virtutis fructum Regum Optime! Hæc videlicet
Polonam quæ nullum aliud frenum patitur, mancipè
Tibi fecisti Libertatem: Iam non in sinu tantum quod
Regibus ante Te, sed profundissimis in Cordibus Ci-
viū securos ac dulces Tibi somnos concedit. Et quem-
admodum ad cubiculi æquè ac animi Tui fores, non
durus tristisq; Ianitor metus excubat, sed magni custos
clemen-

clementia mundi: ita aperta Tibi & pervia pectora subditorum, patentes Civium affectus: ut omnes lenibus suffultum Scepbris amemus Te & veneremur Principem, qui primò Rex ipse Tui, hoc unicum comi blandaq; bonitate fortiùs imperas ut ameris. Amaris, quia primus odia etiam provocas ad amorem; non enim ut alia subditis, ita amor facilè imperatur neq; est ullus affectus qui magis vicem exigat. Tu quidni talionem recipias amoris, quem non benevolentia tantùm regia, sed beneficiis etiam fæneraris.

Iunxit se cognato fædere fida Clementiæ soror, magnæ fortunæ & dignitatis maxima moderatio, quæ in solio sublimis es, non elatus; & inde magnitudinis Tuæ incrementa fortiris quod illam Civibus Tuis placidè submittas & permisceas. Plerisq; Sirenissimum Nomen, titulus est superbiæ; & cum nucleum virtutis in pectore nullum habeant, tumoris corticem inflant & distendunt fastuosa in fronte: non se adiri, non attingi permittunt, ne palam tinniat inane, quod in arcano intus est. Arcant aspectu sui & liberali alloquio subditos, quasi delibatam cælo Diisq; secundam vultûs regii Majestatem, humanis sæpe oculis vidisse crimen sit, nec loqui illis familiaris nisi ex nubibus debeat Thaumantias Iris. Frontis Tuæ multo Numine suspensus honos, Tuisq; verius quàm Roma olim credidit, Augusti ab oculis scintillans divinus vigor, & licet modestissimè premas, sese tamen strenuè vindicans, allicit, non perstringit intuentium pupillas; ut quò magis cælesti defixæ spectaculo in Te hæreant, eò plus libertatis accipiant derivandæ per oculum quàm vultu Tuo influis, in animos voluptatis. Æquè facile Tecum Ipso, ac cum fortuna Tua loqui concessum est: cordis pariter munificus, ac non parcus sermonis, quemlibet ore illo, quò bonitas ipsa Orbi loquitur, dignaris: quando verò in Te ipsum recedis, Tibi, id est bono publico meditaris, silentia secretaq; Tua non timemus: Vultus nobis ac animus Tuus eodem sub intuitu patet. Rem prorsus

omnium difficillimam, retines æqualem in altissimo fastigio gradum, securiùs magnitudinis Tuæ, non Majestatem deiicis, dum modestiam inclinas, attollis non gravas culmen regium obvia cuivis comitate; in silis pectora & animos populorum, dum arrogantia calcar, & soleas feroces proteris; accendis magis amores in Te omnium, dum flabella & ardorem ambitionis regali modestiâ extinxisti,

Liberalitas dignè regia, vix fidem inveniret, nisi oculis omnium & manibus teneretur, Longas Regibus esse manus, munificentia Tuæ evicit immensitas: nulla se adeo remotam posuit indigentia, ad quam indefesso benefaciendi studio tornatilem dexteram non advolveres. Aurum Poloni Diadematis; nec in fronte prius Tibi emicuisse voluisti, quàm auro liberalissimè profuso, militari ære gravem Patriam sublevasses, heroicum in hostem ferrum, Tibi animos in amorem & obsequium acuiasses. Nilum Vespasiani largitatis Tuæ Oceano exhusisti; non diei sed horæ jacturam continua & perenni munificentia redimis, hoc unicum in regii thesauri gazam sollicitus recondis, hoc inviolabile asservas, quod in publicum profudisti. Spargis autem, & erogas eo liberaliùs, quò innocentius cumulasti: Non unquam fiscus Tuus perstrepuìt gemitu populorum, non aurum livore aut culpâ expalluit, non lacrymæ suppleverunt tributa, quantum de fortunis, tantum de Saxonie felicitate congregasti: quanta Opum Tibi, tanta lætitiæ subditis affluentia, quòd nullius paupertate ditesceres, non per ruinam populi regiarum cumulus divitiarum Tibi surgeret. Non ditior opum quàm amoris publici unquam eras. Quàm verò id in Te pretiosum! quòd amplissimi redditum patrimonii, non inutiles sumptus exhauriunt; non focus absomit aut culina decoquit, non vorago luxûs præcipitat & absorbet: sed privatae necessitatis succursus, publicæ rei provisio, prudenter æquè ac liberaliter thesauris Tuis præsent, nec perdere opes, sed donare ac munerari ex æquo sciunt, Quid

Quidquid ærario Regis adfluit, mox fluminis instar in commune bonum dilabitur: quantum vel Mensæ Regiæ detraxisti! ut publicam necessitatem satiares: illud in maximæ censum fortunæ refers, si neminem esse miserum patiaris, omnes facias fortunatos.

Ita dum largitor opum, largitor honorum promptus es ac munificus, sola animum, gloriæ inexplebilis avaritia possedit, cui in immensum per virtutes augendæ cupidissimus inhias. Sudorem heroicæ frontis, non absterfit regium diadema, sed majorem elicuit. Magnificum desidiæ velamen, ita Purpuræ detraxisti; ut ad ipsum nomen illius erubescat. Ita ductilem ad regios labores aureæ mentis laminam nactus es, ut illam magnæ in publicum cogitationes semper sub malleo habeant, & perpetuo extendant: Ipsa Tibi in gloriam laborat quies, & laxamenta curarum, dum animo indulgent, corpus egregiis laboribus exercent. Capitolina Tibi cella, non mollis otii aut oblectamenti secessus; sed quotidianis armorum aut consiliorum negotiis palæstra fervens. Ita in mediis pæne fulget Tibi regia castris, ut continua Gradii meditamina & opera, nullas armorum inducias, imò ne ludos quidem concedant nisi militares. Ferrum dulcè sapit, cum ad mensam regiam auro bibis: cruda potius Martis bellaria, quàm siculæ dapes & palati irritamenta, cibum animo & alimentum ministrant: pharetram aut sclopum medias inter epulas oculo perquiris, exploras manu, è triclinio ad castra digrederis, è sella ad equum properas; & horridam inter armorum voluptatem lætissima hilaria ducis. Tertius propè decurrit annus, & invidendo seculis spectaculo, Dresda vidit, Bacchi Marte incalescentis scenam, quâ cum Serenissimo Fratre, seriùs etiam per jocum contra Bistonas Bellator, Sceptro & ferro Lechico prolusisti. Non displicuit Germano etiam fuisse hostem, cum is vel personam Othomani indueret, quanquàm ficto illo conflictu pro vera uterq; gloria decertastis, cum de bellatis

strenuè luxus, & indignarum Principe animo cupediarū
clades Victorem utrumq̃ adorasset. Poloni in arena il-
la Exercitūs Ductorem simulasti; sed animum quō in rē
& gloriam Poloniæ ferebaris jam tunc Orbi aperuisti;
iturum Te libenter per extrema sacri belli pericula ad
trumphos, si Polona Ducem sequatur fortitudo. Fuit
Sceptri præfagium Clava illa, ut nostra rursus felicitas,
Martem in Te Poloniæ coronaret.

Lubet adhuc Martialibus ipsa inter otia ludis fati-
gare imbellem calamum, qui hīc etiam dum stylum pro
Te ferium molitur, acumen omne perdidit. Ita ludicra
etiam Tua, operosas scribentium cogitationes exercēt.
Quæ illa, seu sagittam ab arcu, seu plumbeam è sclopo
glandem proiicis, manūs Tux dexteritas! quàm felix
jaculandi peritia, quàm perita felicitas! Hastiludio
emetiris campum, ipsa annulum conto offert æternitas,
quæ Tibi cuncta ad famam dirigit, & semper collimanti
pro meta est. Etiam aversō oculō, quidquid impetisti
securo ictu feris quasi manum oculatam haberes; etiam
quod visum effugit, telo certus consequeris. Obsecundat
pertinax alās, & difficilis flecti, regiæ dextræ nervus;
iustumq̃ mentiri nescius ictum, in gloriam obsequii in-
tenditur, dum digitis tractatur; qui ne latum quidem
ungvem, à recto & glorioso aberrant. Filum tenue (quis
crederet?) si pro scopo pendeat; tanquam Ariadnēs
esset, tela Tua sine errore intercipit. Pennata volucrum
pernicitas, & àerei volatus, jaculi Tui certitudinem non
effugiunt: ipsum inane jaculandi felicitate & gloria im-
plevisti. Quod si Amphiarai quondam sagittæ effrondū-
ēre in Laurum: si terna uno confixa telo volucris, Bul-
lionii famam adhuc in sublimi retinet; quæ jaculis Tu-
is meta gloriæ? nullam profectō reperiunt, dum quam-
libet tangunt. Utinam ita votis, propagationem Chri-
stianæ rei, Polonæ fortunam & gloriam anhelantibus,
quemadmodū telis scopū, consequāre quodcunq̃ petis.

Locamus illud deniq̃ prope fastigium felicitatis no-
stræ.

stræ, quod non viduum nec sterilē thorū Regio Thro-
no adferas. Iam Tibi de Serenissimæ Domūs ac Regni
Nostri firmo columine, jam de lectissima Coniuge, &
suis Parentibus dignissima Prole, quibus cum, anxias
Regni curas, lætus ac felix divides, singulari favore Nu-
minum, provisum est. Sed vide, quomodo omnes, amor
Nostri, charitates in Te excedat! Patris stimulos, ignesq;
mariti vincit cura Regis. Adiisti jam tamen in animis
Civium, pompa meliore, Solium Reginale, quamvis o-
culos adhuc videndi Tui desiderio torques Serenissima
CHRISTINA. Quid facies præsens? quæ tantum nec
visa places. Iam in Te Serenissimorum Principum de
BAREITH, ac Brandenburgicorum, altis inclytum titu-
lis Genus, jam consanguineas Regum ac Imperatorum
Majestates, cultu subdito veneramur è longinquo, sed
ad invidiam pæne Superum, querimus tardos Soles, pul-
samus suspiriis cælum, ut diuturnos tandem molestæ spei
cruciatus, longæq; moræ tormenta, optatissimo Tui con-
spectu mulceant & compensent. Iam huc pridem Tua-
rum fama virtutum celeberrima pervenit; sequere ma-
ior præeuntem, spem melior supera. Tua ad quam Re-
gina venies, jam olim Polonia est; In quo se Lechicus
Tibi advolvit Orbis, ab Augusta propagine Tua, nō lon-
gè cecidit Iagellonia ex arbore Pomum. Habuere ab
hac longæva Sceptris Sarmaticis Styrpe, Saxonix ac Brā-
deburgici Duces, Augustas Coniuges. Tu ex illis Regū
Polonix Proneptis, reddes Serenissimam lucem Tuæ
Regina & Mater Patriæ, quam ab illa materno in ortu
accepisti: Fovebis Matris non Dominæ ritu spes Polo-
norum & vota, dum suavibus ulnis præcella Natum in-
dole FRIDERICVM AVGVSTVM complecteris. Te
vultu, animo Patrem refert, uterq; magnorum Sobolem
Regum, & jam fortunæ & gloriæ nostræ pignus in illo
expressistis. Propera Auguste Puer ad gloriā, quam Tibi
Magnus Genitor, ipso jam hīc in culmine sistit. Huc Te
Reginæ Matris pietas, huc Mascula ducat Virtus Tua,

quò ad Orthodoxæ rei præsidium & decus, ad Christiani-
tatis Antemurale, Tuis subinde suffulciendum trophæ-
is, Inviçtissimi Parentis vocat fortitudo.

Tu jam Augustissime Regum, sequere gloriosus &
felix magnos fatorum ductus: Iam in Montibus LEO-
NIS Nostri, quam in Vavelo coronavimus, gloria Te-
cum & felicitas Polona in fastigio, supra Stellas eminet,
Tu adhuc Lunam calca. Nunc demum Cynthia Otho-
manica errabit inferior Stellis; quando Tu nostram
perpetua felicitate Tua fixam reddes. Quantus jam Co-
metæ illi Regnorum, pallor! cum Aurora in Montibus
ad Purpuram Tuam rubet. Iam, jam contremuere suis
emoti cardinibus ferrei Byzantii postes, cum Tu ab Alpi-
bus Nostri ad Portam Annibal. Iam illapso cælitus læ-
titix sensu, exsilire & liquefcere, jam depulso trepidan-
tis Astri metu, ad triumphale Crucis Signum, sese rur-
sus erigere, omnem contra prædones suos movere lapi-
dem videntur Rupes illæ; quæ barbaram hucusq; obdu-
raverant feritatē; cū Tu vocis & gemitibus cælo tandē
extortus, jã à Montibus nostris immines Cameneco fata-
lis SAXO. Procede prosperè, pugna, vince, triumphas
parabit interim triumphalē Currum, quò Te Augustum
Victorem, Vrbi suæ revehat LEO noster. Si ex ungve
illum cognoscas, Regibus suis constanter fidelis, in ob-
sequium vigil & alacer, contra hostem magnanimus est,
nunc triumphalibus armis, gemino ENSE Tuo invi-
ctus. Emedullat profusum cor in vota Tibi pro DEO
Bellatori Achilli. Acta D. Augusti & annos vince. Se-
cundus felicissimè, felicissimus diutissimè impera:
quamdiu inter mortales eris, nihil in Serenissima Do-
mo mortale videris. Seris etiã Nepotibus nostris igno-
ta dies esto, quã Te immortalitas Tua, subductum terris
cælo-asseret. Effractâ Orientis Portâ, optatâ aperi Orbi
Pacem, Ianum Europæ claude, fortuna Reipublicæ, Gen-
tis honorem, gloriam Nominis, supra culmina attolle.
Tandem, ut olim Octavianus Romã, Romæ singulariùs
Vesta.

Vestales, Ita Russiam, & hujus Metropolim, Urbem
Virginem, vel ab ipso jam cælitus Tibi, Tuorum Ma-
ximo Majorum, Archi-Præsule Bonifacio, optimè com-
mendatam, regiis amoribus, & clementissima pro-
tectione, teneriùs fove: quem hucusq; sævus bellorum
furor, nuper sub cubile ipsum accurrens Scythia,
& catenata tot annorum calamitas sædum in
modum laceravit; regalis beneficentiæ Chari-
tes dilectum Leònem mulceant, servet il-
libatæ Virginitatis florem, priscae sæ-
cunda felicitatis, avitum reflore-
scat in decus gloriosissimo ac
fortunatissimo Patre Patriæ
LEOPOLIS sub
AVGVSTO.



